



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliaq nr. 01.31.06/07-00253 pillugu ulloq 7. september 2007-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 7. juni 2007-imi ataatsimiinneranni imm. 2)

Aatsitassanut Ikummatissanullu Pisortaqarfimmi suliatigut aaqqissuussinikkullu ineriartorneq

Naalakkersuisut **inassutigaat**,

- Imaassasoq Aningaasaqarnermut ataatsimiititaliaq qinnuigineqassasoq aningaasanut inatsimmi tulliuuttumi oqaasertaa konto 76.01.02 Aatsitassanut suliniutinut akuerineqassasoq:

”Naalakkersuisut pisinnaatinneqassasut konto pingarneq 76.01.02 Aatsitassanut suliniutinut naapertorlugu isumaqatigiissutit naapertorlugit isertitat immikkoortinneqassasut, taakkunanngalu aningaasat atunngitsuukkat ukiut siuliineersut ukioq taanna kingusinnerusukkulluunniit kontomi pingarnermi 76.01.02-mi taaneqartut naapertorlugit atorneqassasut”.

Imaassasoq Aningaasaqarnermut ataatsimiititaliaq qinnuigineqarpoq konto pingarneq 22.10.22 Isertitat Allat-ni 11 mio. kr. Isertitatut inissinneqassasut.

Imaassasoq Aningaasaqarnermut Ataatsimiititaliaq qinnuigineqassasoq akueriqqullugu, konto pingarneq 76.01.01. Aatsitassanut Ikummatissanullu Pisortaqarfik, allaffissorpeq 2007-imi 2.2 mio. kr.-nik amerliliffigineqassasoq.

Aningaasaqarnermut Ataatsimiititaliap oqaaseqaatai

Aatsitassanut Ikummatissanullu Pisortaqarfimmut aningaasaliissuteqaqqinnissap Aningaasaqarnermut Ataatsimiititaliamit taparserneqarnissaa Naalakkersuisut suliami matumani qinnutigaat. Aningaasaliissutit sulisut amerlineranni aningaasarsianut pingaarnertut atorneqassapput.

Ilaatigut aatsitassanut ikummatissanullu tunngasut nunatsinnut nuunneqarnissaat tunngavigalugit ukiuni aggersuni ingerlatat annertuumik amerlinissaannik naatsorsuutiginninnerup saniatigut ukiuni kingullerni ingerlatat annertuumik amerleriarsimanerannik sulisut amerlineqarnerat tunngaveqarnerarqarpoq.

Tamatuma saniatigut sajuppillatsilluni misissuisartut arlallit paasissutissanik katersinissaat pillugu suleqatigiinnissamik Aatsitassanik Ikummatissanullu Pisortaqarfiup isumaqatigiissuteqarfigisimavai. Tamatuma kingorna paasissutissat katersorneqartut ilaatigut uuliasiornermik ingerlatseqatigiiffinnut tuniniarneqassapput, tamannalu tunngavigalugu 2007-imi 11 mio. kr.-inik immikkut isertitaqarnissaq naatsorsuutigineqarpoq. Immikkoortumi pineqartumi qanoq annertutigumaarnersunik ikigisassaannigitsunilli ukiuni aggersuni isertitaqarnissaq naatsorsuutigineqarpoq.

Tamanna tunngavigalugu aningaasat taakku aningaasanut inatsiseqarfiusup ukiua qaangerlugu aningaasanik taakkuninnga Aatsitassanut Ikummatissanullu Pisortaqrarfiup atuisinnaanissaanik periarfissiisumik aningaasanut inatsimmut oqaasertaliussamik ilanngussinissaq Naalakkersuisut kissaatigaat. 2007-imi isertinneqartut ilaasa pisortaqrarfiup aqutsinermut kontoanut nuunneqarnissaat aamma kissaatigineqarpoq, tamatumani siunertarineqarluni siuliani kissaatitut taaneqartutut sulisunut amerlissutaasa aningaasarsiaqartinneqarnissaat.

Qinnuteqaat matumani pineqartoq ataatsimiititaliap ulloq 2. juli 2007-imi akuersissutigineqaaqarpoq. Tamatuma kingorna ataatsimiititaliamut inassuteqaatigineqartut ilusiligaanermikkut kukkuneqartut Naalakkersuisut paasisimavaat. Taamaalillutillu inassuteqaatit aalajangiinermi matumani pineqartut akuerineqartullu suliami tassani inassuteqaatinut ataatsimiititaliamit ulloq 2. juli 2007-imi akuerineqartunut taartaassapput.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit
akuersissutigineqarput.

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua